

DE GENESI ET DIAGNOSI

EMPHYSEMATIS PULMONIS,

QUOD DICUNT, VESICULARIS CHRONICI,

COMMENTATIO,

QUAM SCRIPSIT

DR. WIESE.

GOTTINGAE

PROSTAT APUD VANDENHOECK ET RUPRECHT.

MDCCCXLVI.
C.



PROBATION DEPARTMENT

RECORDS

RECORDS

VIRO CELEBERRIMO

JOANN. GUIL. HENR. CONRADI

MEDICINAE DOCTORI

ATQUE PROFESSORI IN ACADEMIA GOTTINGENSI PUBLICO ORDINARIO
ORDINIS GUELPHICI EQUITI HANNOVERAE A CONSILIIS AULAE
SOCIETATIS REGIAE
SCIENTIARUM GOTTINGENSIS ALIARUMQUE PLURIUM SODALI
FAUTORI MAXIME DE SE MERITO

NEC NON

VIRO DOCTISSIMO

ANTONIO JAKSCH

MEDICINAE DOCTORI EJUSDEMQUE PROFESSORI PRAGENSI
PRAECEPTORI AMICISSIMO

HASCE STUDIORUM PRIMITIAS SACRAS ESSE VOLUIT

AUCTOR.

Digitized by the Internet Archive
in 2015

Emphysema pulmonum inter eos numerandum est morbos, quorum scientiam medici serius, quam putaveris, sunt consecuti. Negari quidem non potest, symptomata inde orta partim jam dudum fuisse nota, sed tantum aberat, ut, quae symptomatum illorum essent causae manifestae, accuratius medici studerent cognoscere, ut satis haberent, externam, ut ita dicam, hujus morbi imaginem ad affectionem nervorum quandam bronchiorum spasmodicam revocasse, neque satis expressam neque satis probatam, cui nomen imponebant asthmatis nervosi. Atque etiam non est, quod mirearis, medicos mortuorum corpora non solum incidentes, sed etiam in viscera et intestina inquirentes, ut, quae morborum apparerent causae, cognoscerent easque, quae inde in singulis visceribus ortae essent, perspicerent mutationes manifestas, emphysema pulmonum aut plane non animadvertisse aut non intellexisse, in hoc morbo saepius inesse causam illorum symptomatum, quae nomine asthmatis complectebantur nervosi. Nam alii non satis diligenter accurateque in pulmones inquirebant, alii emphysema pulmonum nihil aliud esse putabant, quam „en quelque sorte une exagération de l'état naturel du poumon“ 1).

Ex eo demum tempore, ex quo maximum medici ad anatomiam pathologicam colendam conferebant studium, ex quo percussione adhibita atque auscultatione mutationes viscerum pathologicas in aegrotis ipsis diligentius studebant percipere et eorum, quae ita in vivis interpretati erant, sym-

1) *Laennec traité de l'auscultation médiate et des maladies des poumons et du coeur; seconde édition entièrement refondue* pag. 289.

ptomatum causas in mortuis investigare atque explorare co-
nabantur, ex eo demum tempore scientiam hujus morbi as-
sequebantur magis magisque accuratam et intelligebant hanc
mutationem pulmonum pathologicam haud raram illorum sym-
ptomatum esse causam, quae complexa asthma nominave-
rant nervosum. Itaque, quum negare non possent, et va-
tia organica cordis et oedema et compressionem pulmonum
similia gignere symptomata, quum facere non possent, qui
profiterentur, et asthma re vera existere nervosum, scilicet
rarissimum, bronchiorum contractione quadam spasmo-
dica ortum, in hac ipsa, quam tractabant, percussione at-
que auscultatione hos morbos dignoscendi datam esse ra-
tionem intelligebant. Ac primus quidem existit, qui
emphysematis pulmonum accuratius describeret formam
naturam studeret exponere, Laenneccius ille de colenda ar-
medica optime meritus, cujus exemplum atque auctoritatem
discipuli secuti, eam, quam acceperant, hujus morbi scien-
tiam magis magisque nitebantur locupletare et colere. Si
longius ab eo, quod exponendum mihi proposui, aberrare
thematē, si omnes, qui de hoc morbo disseruerunt, hoc locum
enumerare vellem viros doctos; sufficiat memorasse, huius
ipso decennio, Rokitanskym accuratissime et diligentissi-
me exposuisse, quae emphysematis sit forma pathologica
cujus Laennecciique descriptionem scrutatus pulmonis em-
physemate vesiculari chronico affecti hanc fere esse invenit
imaginem.

Maximi in emphysemate vesiculari chronico est in-
menti dilatio vesicularum pulmonis aëre nimio expansarum,
quam quidem dilatationem majorem minoremve pro
minus late porrigi videbis. Rarissime cellulae aërem inco-
dentes aequaliter sunt expansae, saepenumero singulare
circuitum reperies esse diversum et imprimis cellularum
substantia peripherica sitarum maxime esse auctum volume-
ut e ceteris minus dilatatis interdum superent prominenciae
que. Quod attinet ad modum dilatationis, Laenneccius :
grandeur,“ inquit, „du plus grand nombre égale ou se-

passe un peu le volume d'un grain de millet; quelques-unes atteignent celui d'un grain de chenevis, d'un noyau de cerise ou même d'une fève de haricot. 1) — Quorum cellularum numerum aut reperiens non differre a normali, aut, si circumitus valde sit auctus, esse minutum et volumen vesicularum expansarum imprimis eo esse auctum, quod singulae vesiculae, parietibus, qui eas secreteverint, remotis, confluerint. Talium cellularum antea exsiccatarum si inquisiveris in structuram, ex superficie interna taenias videbis procurrere majores minoresve et septa quasi repraesentantes incompleta, perforata, et vesicularum sinus terminantes antea secretarum. Ibidem funes aut ab altero pariete pertinent ad alterum tenues aut libere in cavum eminent; quae quidem taeniae, qui quidem funes reliquiae parietum singularum vesicularum sunt antea contiguorum eoque, quod invicem se premebant atterebantque, deletorum. Emphysema autem vesiculare chronicum non solum consistit in simplici vesicularum dilatatione, earundem vesicularum parietes una facti sunt densiores rigidioresque. Quo enim magis cellulae dilatantur, eo magis parenchyma pulmonum premunt adiacens compressumque obsolefaciunt, ut parietes tali modo aucti, si eos incidere, aut plane non collabantur, aut tarde concidant, ut aer inclusus tarde evadens crepitum reddat, ut ita dicam, diffusum minoremque, quam si vesiculas fideris pulmonum normales. Vesicularum autem emphysemate affectarum formam non sola dilatatione sed eo imprimis, quod confluerint, plus minus esse immutatam, per se intelligitur; forma antea subrotunda et angulata jam magis magisque facta est irregularis, huc atque illuc sinuosa. Cellulae ita in majorem minoremve modum dilatatae et auctae imprimis in superiore pulmonum lobo et hic quidem in anteriore praesertim superficie vobis inquirentibus obijciuntur; aut in parva hujus lobi inveniuntur parte, aut ad totum pertinent; quin non desunt exempla haud raris-

1) Laennec sur l'auscultation etc. pag. 289.

sima, doctia, emphysema vesiculare chronicum aut pulmonem alterum occupasse totum, aut plus minus utrumque invasisse.

Ut igitur emphysema ad majorem alterius pulmonis pertineat partem, ut alterum incesserit totum, ut imo utrumque affecerit pulmonem, volumen hujus visceris multo eo magis sit auctum necesse est, quo minus cellularum numerus est minutus.

Thoracem postquam aperuisti, pulmonem, quoad emphysemate est affectus, videbis non collabi, sed prorumpere tanquam si thorax ad capessendos pulmones sit angustior, quod re vera ita est; ejus emphysematis, si digitis attigeris, mollitient haud scio, an fatearis, cum ea, quam cubita praebet plumis impleta, posse comparari et eo magis posse comparari, quum parenchyma ipsum plus minus si exsangne eandemque ob causam pallidum et valde siccum. Quod autem attinet ad bronchia, minora plus semel intelliges esse dilatata, majorum autem aut extensum esse volumen, aut, si tunica mucosa maxime intumuit, paulum coarctatum.

Jam si quaesiveris, quomodo haec, quam breviter descripsi, oriatur vesicularum pulmonis dilatatio, sententiae de hac quaestione medicorum invenies maxime esse varie discrepantesque. Prinsquam autem singulas de origine emphysematis examinemus sententias, paullo accuratius, quam vera emphysematis sit natura, exponam oportet. Jam autem commemoravi, maximi in emphysemate momenti esse dilatationem cellularum aërem includentium atque inde posse intelligi, pulmonis, quoad ita sit affectus, volumen esse auctum. Sed si eam, quam Rokitsky hujus morbi expressit, attentis oculis intuitus imaginem repereris, multum abesse, ut thorace aperto pulmones emphysemate affecti collabantur, ut, tanquam si thorax ad capessendos pulmones sit angustior, prorumpant, haud scio, an non hujus rei causam ex sola vesicularum dilatatione possis repetere. Thoracem normales includentem pulmones postquam aperuisti

pulmones videbis, aëre externo premente, vi sua se contrahendi majorem aëris inclusi extrudere partem atque ita collabi. Sin vero pulmones, quoad emphysemate sunt affecti, thorace aperto et bronchiis non obturatis, non collabuntur, concedas oportet, vim, qua se contrahant, plus minus esse exstinctam, quum et ipsae, e quibus vis pendeat contrahendi, non auctae, sed extensae, itaque debilitatae sint fibrae et vesicularum bronchiorumque elasticae et bronchiorum musculares, parietes autem ita tantum densiores sint facti et rigidiore, ut parenchyma inter vesiculas et bronchia minima interstitiale sit compressum. Sin vero praeterea pulmones, quos emphysema invasit, non modo non collabuntur, sed prorumpunt, haud dubito, quin fatearis, aërem nimium in vesiculis inclusum, a thorace compressum multo esse densiorem aëre atmosphaerico et, parietibus thoracis eum comprimentibus remotis, vi sua elastica pulmonum parietes extrorsum expellere. Quum enim vis, qua pulmonum cellulae et bronchia minima se contrahant, eo magis perdat, quo magis fibrae elasticae et musculares sint extensae et inde debilitatae, reliquae, quae expirationem efficiunt, vires non sufficiunt ad expellendam majorem aëris partem, volumen igitur aëris, quod factum est inter inspirandum, expirando paulo tantum minutum, comprimitur.

Atque ita postquam exposui, maximi esse in emphysemate momenti, vim se contrahendi et vesicularum dilatatarum et bronchiorum minorum, quae saepenumero inveni et ipsa minorem in modum dilatata, plus minus esse exstinctam, aërem autem in vesiculis inclusum compressiorem densioremque esse factum, quam expirando in normali sit pulmone, jam inquiramus, num, quas medici de genesi emphysematis proposuerunt, rationes singulae talem pulmonis efficere possint statum.

Laennecius emphysematis causam praecipuam catarrhum affert bronchiale et de eo, quo hic emphysema efficiat, modo sic agit: „L'emphysème pulmonaire se développe presque toujours à la suite des catarrhes secs intenses et

étendus, et presque tous les sujets asthmatiques par cette cause présentent à l'ouverture une dilatation plus ou moins marquée d'un certain nombre de cellules bronchiques. Cette observation conduit, ce me semble, à concevoir d'une manière toute physique le mécanisme de la dilatation des cellules pulmonaires. Nous avons vu que, dans le catarrhe sec, les petits rameaux bronchiques sont souvent complètement obstrués, soit par les crachats *perlés* ou *nacrés*, soit par le gonflement de leur membrane muqueuse. Or, comme les muscles qui servent à l'inspiration sont forts et nombreux, que l'expiration, au contraire, n'est produite que par l'élasticité des parties et la faible contraction des muscles intercostaux, il doit souvent arriver que, dans l'expiration, l'air, après avoir forcé la résistance que lui opposait la mucosité ou la tuméfaction de la membrane muqueuse bronchique, ne peut la vaincre dans l'expiration et se trouve emprisonné par un mécanisme analogue à celui de la crosse du fusil à vent. Les inspirations suivantes, ou au moins les plus fortes d'entre elles, amenant dans le même lieu une nouvelle quantité d'air, produisent nécessairement la dilatation des cellules aériennes aux quelles se rend la bronche oblitérée; et pour peu, que l'accident soit durable, cette dilatation doit devenir un état fixe et permanent. D'un autre côté l'air est introduit froid dans les vésicules aériennes, et il y acquiert promptement une température de trente à trente-deux degrés, ce qui ne peut se faire sans qu'il se dilate ou tende fortement, à se dilater, et par conséquent il doit continuellement aussi tendre à dilater les cellules ¹⁾.

Et hanc Laennecii sententiam multi, qui de hoc morbo disseruerunt, secuti sunt viri docti, donec nuperrime imprimis Mendelssohn eam plane repudiavit ²⁾.

1) Cf. *Laennec* sur l'auscultation pag. 302.

2) *Mendelssohn*, der Mechanismus der Respiration und Circulation oder das explicirte Wesen der Lungenhyperaemien pag. 370. 371.

Atque et ego, ut plane omittam, catarrhum siccum non posse gignere „*des crachats perlés ou nacrés*,“ negare non possum, me non credere, aërem per bronchia, materia mucosa aut intumescencia membranae mucosae plane obstructa in vesiculas posse inspirari; quin ego potius putaverim, pulmonis et bronchia minora et vesiculas trans impedimenta, lumen bronchiorum plane obstructa, sita plus minus plastico expleri exsudato indeque obturari. Si enim Mendelssohn ¹⁾ recte deduxerit, respirationem ad circulationem sanguinis in pulmone eo maxime valere, quod et inter inspirandum vasa pulmonis capillaria extendantur extensaque sanguinem e corde dextro, quod cum in eandem propulset viam, eque toto inde sugant systemate venoso et aër inter expirandum condensatus compressusque elasticitate sua vicissim vasa sanguinem includentia premat, itaque efficiat, ut sanguis ex venis pulmonalibus ad sinistram propellatur cor, adjuvante ventriculi dextri impulsu, si praeterea Mendelssohno concesseris, postquam rima glottidis contracta aërem atmosphaericum excluseris, fieri posse, ut, contractis musculis inspirationi inservientibus, aër in pulmonibus inclusus re vera extenuetur, jam necesse erit, aërem, qui trans impedimentum inest in bronchiis et vesiculis, inter inspirandum extenuari atque ita, loco effecto relative vacuo, et sanguinem e vasis capillaribus proximis attrahi et e vasis inde nimis impletis partim in vesiculas exsudare et bronchia minora, quum aër inter expirandum in eam tantum, quam antea habebat, densitatem reductus non possit efficere, ut vasa nimis sanguine expleta ad legitimum modum evacuentur, praesertim ventriculo dextro novas semper sanguinis afferente nudas ²⁾. Multo magis illa, de qua discerni, bronchiorum obstructione dilatatio mihi videtur effici bronchiorum supra impedimentum obstruens sitorum. Quum enim eo, quod impe-

1) Cf. Mendelssohn etc. pag. 133.

2) Cf. Mendelssohn etc. pag. 141.

dimenta integrac liberaeque respirationi obstant, tussis oritur eoque, quod rima glottidis plus minus clauditur et assultum tantum aperitur, aër in bronchiis supra impedimentum sitis inter exspirationem vehementissimam maxime compressus eodem, quo comprimitur modo, parietes assultu premat exsudato relaxatos, haud scio, an serum, quod est in bronchiis, ad peripheriam, i. e. in vesiculas inde obstruendas, propellatur, bronchia autem, vi, qua se contrahant, plus minus amissa, dilatentur ¹⁾).

Ut autem materies catarrho prolata bronchia non plane obstruat, ut moveri possit, dum inter inspirandum thorax dilatatur, aër oportet pulmones extendens hanc materiam ad peripheriam propellat, i. e. in bronchia minima et vesiculas et eo magis propellat, quo intensior fit inspiratio ut exspiratio si subsequitur, vesicularum et bronchiorum contractione materies mucosa ad eum fere possit remove locum, in quo secreta erat, donec, tussi provocata, viribus quac exspirationi servant, maxime intentis, bronchiis fortiter se contrahentibus in bronchos atque inde in tracheam in laryngem eliminetur atque ita paulatim expuatur. Hoc autem non semper fit, quia, postquam catarrhus diuturnus bronchiorum et minorum et majorum saepenumero relaxatur parietes atque ita vim deperdunt se contrahendi. Quod attinet ad stenosis, bronchiorum intumescencia membranae mucosae effectam, hanc quoque non potest ad emphysem valere efficiendum, quia idem et inspirationi et exspirationi obstat impedimentum, nisi catarrhus chronicus superiore pulmonis affecerit lobum et bronchiorum parietum confecerit relaxationem. Quum enim argumentis sit confirmatum ²⁾

1) Cf. *Mendelssohn* pag. 256 257.

2) Cf. *Beau et Maissiat* sur le mécanisme de la respiration archives générales de la médecine 1842. 1843. Cf. *Vierteljahrsschrift für die praktische Heilkunde*, herausgegeben von der medicinischen Facultät in Prag. Jahrgang 1844. Quartal 2. pag. 78. *Vierteljahrsschrift* pag. 36.

maximam dilatationem thoracis inter inspirandum in anteriore superiore fieri parte atque inde etiam pulmonum lobum superiorem maxime extendi, quum amplius sit probatum, vires expirationi complexae inservientes in suprema thoracis parte esse minimas et expirationem in superiore pulmonis lobo imprimis contractione vesicularum et bronchiorum effici, quia hoc loco musculi expiratorii fere sunt nulli nisi mm. intercostales, haud scio an, perdita bronchiorum vi elastica, inter inspirationem plus intret aëris, quam expirando expellatur, unde sequatur, ut bronchia minima et vesiculae pulmonis magis magisque dilatentur. Sed tantum abest, ut, hac, quam exposui, ratione saepius in superiore pulmonis lobo emphysema dicam oriri vesiculare chronicum, ut confitear, eam esse rarissimam emphysematis causam, quum hyperaemiae atque ita etiam catarrhi idiopathici rarius superiores afficiant partes, saepius autem partes pulmonis invadant inferiores, quum praeterea catarrhus fere semper materiam secernat plus minus tenacem, quae eo minus eliminatur, quo magis sensim sensimque bronchia vim perdunt se contrahendi, ut jam inde, quod bronchia materia mucosa obstruuntur, causa existat, qua et bronchia ipsa minora et vesiculae exsudato expleantur plus minus plastico.

Ut explicet eam, qua emphysema vesiculare oriatur, rationem, Stokes ¹⁾ ad causas ab Laenneccio jam allatas spasmodum addit bronchiorum bronchitide provocatum, sed non explicat, quomodo fieri possit, ut hoc spasmo dato aër libere in bronchia et vesiculas inspiretur, inter expirationem autem impediatur, quo minus foras egrediatur. Praeterquam quod hanc proposuit sententiam haud perspicuam evidentemque, paralysin dicit fibrarum bronchiorum muscu-

1) Cf. *Wilhelm Stokes* Abhandlung über die Diagnose und Behandlung der Brustkrankheiten; Krankheiten der Lunge und Luftöhre. Aus dem Englischen von Gerhard von dem Busch. Bremen 1838. pag. 266.

larium maximam dilatationis vesicularum esse causam, quam quidem paralyisin ex bronchitide repetit ipsa ¹⁾. Jam supra hanc bronchiorum commemoravi paralyisin, nec facere possum, quin hoc loco repetam, me non credere, eo, quod bronchia vim perdiderint se contrahendi, oriri emphysema quia, hac vi perdita, materies, quam bronchitis genuit plus minus tenax, quam non possit eliminari, bronchia minora plus minus obstruit.

Atque etiam eam, quam Williams habet, sententiam non comprobaverim, rigiditatem quandam bronchiorum, inflammatione ortam, quae impediat, quo minus fibrae elasticae ad legitimum modum expandantur, efficere, ut, quum bronchia non una cum thoracis dilatatione fiant longiora aër vehementius premat vesicularum parietes atque ita eas dilatet ²⁾. Ego potius censuerim, hanc ipsam bronchiorum rigiditatem majus minusve opponere impedimentum, quum minus aëris undae, inter inspirandum progredientes, bronchiorum vim se contrahendi eo, quod rigidiora facta sint auctam, possint vincere; praeterea autem persuasum mihi habeo, inflammatione bronchiorum saepius effici relaxationem parietum quam rigiditatem ³⁾. Etiam approbare non possum, quod praeterea Williams dicit: „Wenn einige Bronchialröhren oder Zellen durch die zähen Absonderungen, durch die Verdickung der Texturen u. s. w. partiell oder vollständig obstruirt sind, so kann die eingeathmete Luft sich nicht mit der gewöhnlichen Kraft durch die Obstructionen hindurehdrängen, sondern sie wird mit mehr als gewöhnlicher Kraft in die anstossenden Röhren und Zellen dringen, welche ausgedehnt und zur Zeit perm

1) Cf. Vorlesungen über die Krankheiten der Brust von Charles J. B. Williams. Deutsch bearbeitet unter Redaction des Dr. Friedr. J. Behrend. Mit Abbildungen. Leipzig 1841. pag. 294.

2) Cf. Williams pag. 293.

3) Cf. Rokitansky Handbuch der pathologischen Anatomie, Band II. pag. 19.

uent dilatari werden können ¹⁾, “ quum non credam, inspiratione sola talem dilatationem effici.

Nihilominus et Henle ²⁾ causam emphysematis ex paralyse repetit bronchiorum minorum, quorum fibrae musculares sint debilitatae. Hanc debilitationem pendere putans e paralyse nervi vagi emphysema eo imprimis in superiore pulmonis lobo effici commemorat, quod aëre inspirato haec pulmonum pars maxime dilatetur ³⁾. Sed haec, quam Henle proposuit, sententia pluribus refutatur argumentis. Mendelssohn, postquam saepius partem nervi vagi alterius exciecit, nullam in pulmone ejusdem lateris invenit mutationem, licet et Louget et Emmert dicant, hac operatione facta, emphysema inveniri lobi pulmonis superioris ⁴⁾. Ex hoc autem, quod, parte utriusque nervi vagi excisa, in superiore pulmonis lobo invenitur emphysema, non sequitur, quod causa emphysematis in paralyse data sit nervi vagi, quia in inferioribus partibus statum reperies plane oppositum. Sed fortasse mihi objeceris, eam, quae in inferioribus pulmonis partibus nobis objiciatur, stasin sanguinis et exsudatum plasticum ⁵⁾ in superiore non posse oriri, quia vires inspirationi inservientes maxime valeant ad extendendum locum superiorem, qui eo magis dilatetur necesse sit, quo magis reliqua pulmonis pars sit impedita, quo minus aërem accipiat. Tum quaesiverim, quomodo Henle ex paralyse nervi vagi (vel utriusque) repetere velit emphysema, quod alterum pulmonem totum, imo utrumque affecerit, quum experimentis sit probatum, parte utriusque nervi vagi excisa, in inferioribus pulmonis partibus *semper* nobis inveni-

1) Cf. *Williams* ibid. pag. 293.

2) Cf. *J. Henle über Tonus, Krampf und Lähmung der Bronchien und über Expectoration in Henle's und Pfeufer's Zeitschrift für rationelle Medicin. Band 1. Heft II. 1843. pag. 271. 275.*

3) Cf. *Henle* ibid. pag. 275.

4) Cf. *Mendelssohn* pag. 23 seq.; *Henle* pag. 271; *Reil's Archiv* Bd. IX. pag. 404.

5) Cf. *Mendelssohn* pag. 25. 70.

rentibus occurrere sanguinis stasin et hepatisationem plurimam distinctam. Praeterea contra eam, quam Henle proposuit, sententiam dixerim, me non posse intelligere, quod ratio homo possit vivere emphysemate affectus, inde ortum quod nervi vagi sint debilitati, quum eadem causa efficiatur, ut ad magnam pulmonis partem aëri aditus plus minus non pateat. Postquam autem ita exposui, rationes quibus emphysema Laenneceius, Stokes, Williams, Henle oriri putant, non valere ad efficiendum hunc morbum, jam Rokitanskyi et Mendelssolui asseram sententias. Uterque confitetur, maximi in emphysemate vesiculari chronico esse momenti, quod pulmones vim perdididerint se contrahendi, alter autem ¹⁾ nimiam vehementioremque inspirationem, alter ²⁾ expirationem, quam Beau et Maissiat nominant complexam, hujus rei causam esse contendit, licet Mendelssolui non neget, ante expirationem complexam et post eam spiritum in pulmones trahatur quam maximus oportere. Atque efficere non possum, quin Mendelssolui assentiar, quin contra eam, momenta illa omnia emphysema posse provocare vesiculare chronicum, quae efficiant, ut, alta antea facta inspiratione, omnibus, quae expirationi inserviant, viribus intentis et rima glottidis plus minus clausa, aëris maxime gignatur condensatio, qui quidem aër condensatus compressusque eadem, qua comprimatur, ratione, quum aut omnino non possit evadere aut assultim tantum et per minimum rimae glottidis orificium, parietes premit eum ineludentes. Hic autem respirandi modus tum maxime fieri sollet, si laborem subeas graviolem, in quo magna tibi vitanda sint impedimenta atque obstacula, si mulier parturient omnibus, quibus possit, nitatur viribus, ut partum edat, si quis magnos faciat impetus, ut, quae in visceribus accumulata sint excrementa, per orificia expellat naturalia, pra-

1) Cf. Rokitansky Bd. II. pag. 67.

2) Cf. Mendelssolui pag. 377.

sertim quum volumina materiarum expellendarum majora
sint pro orificiorum luminibus. Eo enim, quod primum
quam intentissime spiritum in pulmones trahimus, deinde,
rima glottidis per aliquod tempus clausa, omnes, quae ex-
pirationi inserviunt, intendimus vires, id agimus, ut mu-
sculi abdominis, quo minus aërem in pulmonibus inclusum
possint expellere, eo magis abdominis coarctent volumen,
itaque materias ex visceribus extrudant expellendas; co-
arcteterea, quod, si onera nobis subeunda sunt graviora,
eodem modo respiramus, effecimus, ut, postquam aëris vo-
lumen majus et ad aliquod tempus sufficiens in pulmones
intraximus, quod, rima glottidis clausa, non possit egredi,
nobis liceat, eo diutius omnes vires ad impedimenta con-
fertere vinecunda, quum virium, quas obstaculis opponimus,
minuatur numerus, si pars earum ad spiritus confertur tra-
hendos; simul effecimus, ut thorax aërem includens firma-
tus firmum, ut ita dicam, fiat punctum viribus, quas in-
tendimus ad superanda laborum graviorum obstacula.

Si contra normalem respexeris respirationem, postquam
mater inspirandum scaleni musculi et diaphragma se contra-
rentia superaverunt vires oppositas: elasticitatem et pondus
thoracis, elasticitatem gasis, quod est in intestinis, et con-
tractilitatem pulmonum: thoracem videbis dilatari et pul-
mones extendi, ne cavum saeci pleurae sit vacuum, atque
adeo intelliges, per rimam glottidis dilatatam tantum aëris
atmosphaerici subsequi volumen, quantum requiratur, ut
aëris in pulmone dilatati extenuatique eadem, quae est aë-
ris atmosphaerici, efficiatur densitas. Jam autem inter ex-
pirandum, quum rima glottidis aut eam praebeat amplitu-
dinem, quam in eadavere ejus esse invenies, aut coarctetur,
concedes necesse esse, si velis, idem, quod inspirando in
pulmones per majus rimae glottidis orificium intravit aëris
volumen, expirando per coarctatam expelli rimam, vires
expirationem efficientes (elasticitatem et pondus thoracis,
elasticitatem gasis intestini et contractilitatem pulmonum)

maiores sint, quam quae inspirationi inserviunt, indequ aërem comprimere in pulmone et condensari ¹⁾).

Sed haec quidem, quae exspirando fit aëris condensatio et compressio, tanta modo efficitur, quanta requiritur ut aër ea, qua jam utitur, expandendi vi majore e rima glottidis excedat.

Post igitur altam factam inspirationem, rima glottidis aut magis coarctata quam in normali coarctatur expiratione aut plane aliquamdiu clausa, intentis expirationis viribus *omnibus*, itaque imprimis contractis et musculis abdominis quo magis comprimimus aërem in pulmonibus inclusum, quo magis quidem aër assultim compressus condensatusque, quousque aliquamdiu aut plane non possit evadere ex rima glottidis aut ad minimam tantum partem, eadem, qua premitur vicissim bronchiorum vesicularumque premit et extendit et tensosque debilitat parietes. Hi autem eo magis possunt extendi, quo minus vesiculae ipsae et thoracis partes resistunt.

Praeter has, de quibus discerni, emphysematis causas commemorandum mihi est, et eos interdum hoc morbo affici, qui diu et intentis viribus tubam, buccinam, tibia et alia inflant instrumenta musicalia et licet rarius et minus eos, qui de negotio sunt cantores, qui ad aliquod tempus continuo aut clamant aut verba faciunt, quia hi quoque post altam inspirationem per rimam glottidis aretiorem viribus ad expirationem fere omnibus maxime intentis aërem expellunt.

Ante omnia autem causa esse videtur emphysema tussis, cujus natura haec fere est ²⁾. Pulmo postquam inspiratione est dilatatus, aër, qui in eo est, rima glottidis clausa et omnibus musculis expiratoriis contractis, assultim ita comprimitur, ut et ea, quam condensatus accepit

1) Cf. *Mendelssohn* pag. 120; cf. quod contra dicit *Valer* *Lehrbuch der Physiologie des Menschen für Aerzte u. Studiren* Erster Band. pag. 511 seq.

2) Cf. *Mendelssohn* etc. pag. 201.

vi expandendi majore et quod viribus expirationi inservientibus sursum protruditur, assultim rimam glottidis aperiatur, et ad minorem partem expellatur. (Ratio autem, qua musculi expiratorii in complexa expiratione aërem sursum propellunt, haec est: Musculi abdominis assultim se contrahentes, si gas intestinorum antea compressum jam expanditur, diaphragma protrudunt, unde fit, ut, jam et musculis thoracis agentibus expiratoriis et adjuvante vi pulmonum et thoracis elastica, aër omnibus ex partibus compressus assultim ad laryngem propellatur). Quam quidem tussis expirationem intenta et fortis excipit inspiratio, ut, subsequente secunda expiratione, volumen aëris in pulmonibus remaneat etiam majus, si et rima glottidis non longius aperiatur, quam antea. Quo igitur minus tussi rimae glottidis redditur orificium, per quod expellitur aër et quod magis aër condensatur, eo magis eum premere patet parietes comprimantes et imprimis retro premere vesicularum parietes eosque extendere; unde sequitur, ut, tussis si diu remanet, non modo vesicularum fibrae elasticae et bronchiorum minorum et elasticae et musculares magis magisque dilatentur, sed debilitentur. Sed quaeras fortasse, unde haec, quam causam emphysematis esse dixi saepissimam, oriatur tussis. Tussis primum omnibus rebus efficitur, quae, postquam in vias penetraverunt aërias, nervos vagos nimis irritent ¹⁾, qui irritati fibris, quas continent, motoris contractionem efficiunt et bronchiorum et bronchiorum et tracheae et laryngis. Hanc contractionem simul adjuvant omnes reliquae expirationis complexae vires, ut, rima glottidis clausa et assultim paulo tantum se aperiente, materies irritans eo magis prematur sursumque propellatur, et tum demum, si pervenerit in laryngem, per orificium

1) Cf. *Mendelssohn* pag. 64. Die Function der nn. vagi ist darauf zu beschränken, dass sie die Empfindung der Schleimhaut der Bronchien vermitteln und motorische Fasern für die Bronchien enthalten.

vix satis magnum rimae glottidis eliminetur. Et hic quidem satis sit, commemorasse, saepenumero vexari tussi operarios, qui quotidie fere inspirent aërem mixtum et cum particulis metallorum ¹⁾, cum pulvere lanae aliarumque rerum irritantium, et cum gasis irrespirabilibus; quae tussis quo fit frequentior et quo diutius manet, eo citius et e majus gignet emphysema.

Praeterea autem inde quoque saepenumero existit tussis, quod et partes pulmonis vel inferiores vel mediae hyperaemia sunt affectae plus minus extensa, unde bronchiorum hic sitorum tunicam mucosam catarrhus invadit levior graviorve, et vel bronchos vel tracheam vel laryngem inflammatio incescit plus minus vehemens, ut, quae inde secreta est, materies vel mucosa vel plastica et ipsa causa fiat irritans.

Denique negari non potest, irritationem nervorum in aliis factam organis ad medullam transferri spinalem, unde et in visceribus principio non affectis actiones moveantur reflexae atque ita et tussis oriatur, ut ita dicam, reflexa.

Eodem autem modo, quo emphysematis causa existit tussis, emphysema quoque et ipsum tussim potest gignere itaque efficere, ut emphysematis angeatur circuitus.

Jam restat, ut brevissime exponam, quomodo fiat, et lobus imprimis supremus pulmonis emphysematis sit sedes, ejus rei causae sunt fere haec ²⁾.

Ante omnia recogites oportet, lobum superiorem, ejusdem superficiem praesertim anteriorem eam pulmonis esse partem, quae inspirando maxime extendatur, quum supremus thoracis pars maxime dilatetur, pulmo autem dilatatum thoracem subsequatur. Praeterea quum vires expirationi inservientes complexae minimum valeant ad coaretandam hanc thoracis partem, quia muscoli abdominis expiratorii et pos-

1) Cf. *Dr. Calvert Holland diseases of the lungs from mechanical causes.*

2) Cf. *Mendelsohn pag. 199, 379. Henle pag. 275.*

lus thoracis et elasticitas gasorum intestinorum imprimis comprimunt regiones pulmonis inferiores expirationeque in superiore pulmonis lobo maxime fit vi elastica vesicularum et bronchiorum, haud scio an, hae contrahendi vi perdita, viribus autem inspirandi quam maxime intentis, superiorem pulmonis lobum maxime extensum manere oporteat.

Contemplandum denique est, truncum bronchiorum lobi superioris ex broncho communi ita discedere, ut tantum abeat, ut normali expiratione aequae atque ceteris bronchiis sursum protrudatur, ut deorsum in bronchum propellatur communem. Atque inde sequitur, ut, rima glottidis clausa vel valde coaretata, aëris ex inferioribus mediisque pulmonis bronchiis sursum propulsi ietus aërem, qui ex bronchiis lobi superioris deorsum propellitur, retro in bronchia et in vesiculas retrudat eaque extendat, quum eorum parietes eo magis possint extendi, et quo minus thoracis pars suprema ipsa resistit ¹⁾, et quo magis pars pulmonis suprema sursum potest discedere ad regionem supraclavicularem, in quam quo minus perveniat, sola pleura obstat costalis facile extendenda et tela cellulosa laxa musculos colli conjungens. Et hoc in lobo superiore pulmonis, et praesertim in anterioris ejus superficiei marginibus interdum fit, ut parietes externi vesicularum vel singularum vel plurimum dilatarum premente aëre tandem rumpantur et aër exeat in telam cellulosa adjacentem interstitialem, unde fitur emphysema, quod dicunt interlobulare. Quod, quum rarissime una cum emphysemate inveniatur chronico vesiculari et plerumque haud diu ante mortem tussi efficiatur, repetenda ex hyperaemia aut inflammatione pulmonis inferioris, respiciendum modo est, quatenus aër, e vesiculis exgressus, postquam pleuram pulmonis delibravit, bullas signat ex superficiei pulmonis prominentes, quas digito suo co possis movere.

Rationibus, quibus emphysema vesiculare chronicum fitur, ita expositis, jam, quae sint emphysematis morbi

1) Cf. *Mendelssohn* pag. 379.

symptomata inde repetere studebo, quod respirationis interpellat turbetque et mechanismum et chemismum.

Si natura emphysematis est talis, ut vesiculae pulmonum ad maiorem minoremve partem dilatentur dilatataeque vi perdant se contrahendi, itaque volumen pulmonis emphysematosi et expirando paulo tantum minuitur et inspirando paulo tantum augeatur, inde sequitur, mechanismi respirationis tali modo inhibiti plus minus impediri vim, quam a circulationem habet sanguinis. Jam enim necesse est, ut vesiculas et bronchia minora maximam aëris partem expirando propulisse, ut, simulatque inter inspirandum aëres descendente denno extensa sint, et vasa capillaria pulmonum facta longiora, adjuvante vi propulsiva cordis dextri, sanguine venoso expleantur, et aër eo, quod, quantus inspiratus erat, tantus viribus expirationi inservientibus interglis per minorem expellendus est rimam glottidis, compressus condensatusque parietes eum includentes et vasa inter et parietum et adjacentia premat atque ita sanguinem pulmone in cor protrudat sinistram. Quae quum ita sint, si pulmo emphysemate affectus aërem e vesiculis et bronchiis minoribus non possit expellere, haud scio, an vasa capillaria et impediuntur, quominus inspirando extendant sanguinemque ex corde sugant dextro, et inter inspirandum tantopere jam sint compressa, ut paulo modo magis comprimantur expirando. Quapropter fit, ut parenchyma pulmonum emphysemate affecti appareat et siccum et pallidum, quia jam sanguis sola cordis dextri contractione in vasa capillaria propellatur coarctata. Inde autem efficitur, ut ventriculi dextri, qui per arteriam pulmonalem ejusque truncum in vasa capillaria pulmonis normalem non possit protrudere sanguinis copiam, extendantur parietes, qui paulatim paulatim etiam augentur, quod sanguinis stimulo nimio ad vehementiores incitantur contractiones. Eodem autem modo, quo mechanismus impeditur, respirationis etiam inhibetur chemismus, quo nihil aliud agi puto, quam ut permutatio inter arteriarum, quae in singulis sunt organis, conficiatur et in-

calor animalis ea praesertim gignatur ratione, ut sanguini inspirando addneatur oxygenium, quod cum principio sanguinis et totius corporis partibus insito et carbonaceo et hydrogenio coëat, unde eodem tempore calor existat animalis, quo et acidum oriatur carbonicum et aqua per pulmones et cutem evadentia, ut nova oxygenii possit afferri copia. Sed fortasse quaeres, quomodo et haec fiat gasorum permutatio et oxygenium in sanguinem transeat et acidum carbonicum aquaque per pulmones evadant.

Argumentis est confirmatum, aëris species, quas dicunt *Gase*, aeque ac liquores permeare posse membranas animales humidas, nec puto, quemquam negaturum esse, ita et oxygenium per tenues vesicularum pulmonis vasorumque capillarium parietes in sanguinem atque inde per vasa capillaria in parenchyma organorum singulorum corporis posse transferri et acidum vicissim carbonicum aquamque, quae et in parenchymate organorum orta transierant in sanguinem et in sanguine ipso erant genita, ex sanguine in pulmones evadere. Quae quidem posteriora quum ad maximam partem versentur in vesiculis et in bronchiis, dum in superioribus aëris tramitibus inest oxygenium, jam pro ea, quam diffusionis nominant, lege acidum carbonicum et gas aquae (aqua, quae transiit in vesiculas, ibidem transmutatur in gas aquae) in superiores viae aëris ascendunt partes et per rimam glottidis evadunt, oxygenium autem deorsum in vesiculas descendit pulmonales. Quod autem haec non sufficit gasorum diffusio, ut ea copia et oxygenii in vesiculas afferatur et acidi carbonici et gasis aquae ex larynge abeat, quae requiritur ad normalem materiarum permutationem, mechanismus respirationis chemismum adjuvet oportet. Inspirando enim, diaphragmate et musculis scalenis contractis atque ita thorace extenso, aër, qui in superioribus aërii tramitis est partibus, descendit in bronchia et vesiculas extendenda, et quantum hujus aëris in vesiculas et bronchia deductum est volumen, tantum aëris atmos-

phaerici deorsum per rimam glottidis dilatatam accedit, ut, adjuvante vi diffusionis, sufficiens in vesiculas pulmonales oxygenii penetret copia. Jam si subsequitur exspiratio et aëris intestini et thoracis elasticitate et vesicularum pulmonalium, bronchiorum, bronchorumque se contrahendi vi, acidum carbonicum et gas aquae, sublevante diffusionem, maximam ad partem e vesiculis et bronchiis in bronchos tracheamque proferuntur atque inde per laryngem eliminantur, una quidem et cum ea inspirati oxygenii parte, quae non in sanguinem transiit, et cum omni, quam inspirando in pulmones intraximus, principii azotici copia, paulo etiam ancta parvo, quod ex sanguine in vesiculas transiit, volumine. Ejus autem, quod in sanguinem traductum est, oxygenii alia pars et quidem minima cum illis sanguinis partibus, quas dicunt „Proteinsubstanzen“, chemica via se conjungit, unde eodem tempore acidum carbonicum et aqua gignuntur; alia pars ad corpuscula accedens sanguinis efficit, ut, quod in horum legumine inest, oxydulum martis mutetur in oxydum ferri; alia pars libere soluta est in sanguine.

Qui sanguis quum circuito provectus in vasa pervenerit capillaria, et quod ad corpuscula sanguinis accessit oxygenium (inde oxydulum denuo existit martis) et quod libere in sanguine est solutum per parietes vasorum capillarium tenues transit, ut cum eo, quod partes singulae parenchymatis organorum continent, et principio carbonaceo et hydrogenio acidum gignat carbonicum et aquam eodem modo, quo oxygenium e sanguine evasit in parenchyma organorum, inde in sanguinem transeuntia. Et alia quidem acidi carbonici pars libere manet soluta in sanguine, alia accedit ad corpuscula sanguinis cum oxydulo martis se conjunctura, donec oxygenium, inspiratione subsequente denuo advectum, oxydulum martis, evadente acido carbonico, mutat in oxydum ferri, quo quidem fit, ut color sanguinis venosi propter oxydulum, quod continet, martis carboni-

cum niger jam, aecedente oxygenio, et evadente acido carbonico, exsistat ruber ¹⁾).

Atque ita quidem apparet, calorem, quem dicunt animale, ad maximam partem in parenchymate organorum ipso gigni. Priusquam autem exponam, quomodo hic respirandi chemismus in pulmonibus emphysemate affectis impediatur inhibeatque, leges enumerem oportet, e quibus pendeat, quanta et acidi carbonici et aquae e sanguine eliminetur copia. Ac primum quidem hic respicienda est lex constituens, eo majorem e sanguine in vesiculas pulmonis transire acidi carbonici et aquae quantitatem, quo minor sit ea, quam habeant pulmones ipsi. Quum vero eo major ex pulmonibus acidi carbonici et gasis aquae per certum temporis spatium evadat quantitas, quo frequentior sit exspiratio et quo majus expirationis singulae aëris est volumen, inde sequitur, ut etiam eo major acidi carbonici et aquae e sanguine in vesiculas pulmonis transeat copia. Si autem expirationem fortiolem frequentiolemque iuspiratio subsequitur et aequae frequens et alta, ut volumen aëris inspirati par sit expirati, quo majus in sanguinem traducitur oxygenii volumen, eo sit major necesse est copia acidi carbonici et aquae, quam principium oxygenium cum principio formet carbonaceo hydrogenioque et sanguinis ipsius et singulorum organorum.

Quo liberae respirationis chemismo exposito, jam quaeremus, quomodo chemismus respirationis inhibeat alieneturque, pulmones si sunt affecti emphysemate vesiculari chronico. Pulmonis vesiculae nimio aëre dilatatae postquam aequae ac bronchia minima vim perdiderunt se contrahendi, reliquae lenis expirationis (*einer gewöhnlichen, ruhigen Expiration*) vires: „et aëris intestini

1) Qua hypothesis a Libigio (*Liebig Thierchemie in ihrer Anwendung auf Physiologie und Pathologie* pag. 243. 244 seq.) proposita hoc loco uti audeo, licet haud ignorem, tantum abesse, ut argumentis sit comprobata, ut plus semel sit dictum, quod nominamus: „*haematin*“, et remoto marte, colorem rubrum ostendere.

elasticitas et thoracis“: quum non valeant ad expellendum id aëris volumen, quod ex normalibus pulmonibus expelli poterat adjuvante ea, quae vesicularum et bronchiorum erat, vi contrahendi, tantum abest, ut hac reliquae expirationis vires nimii in vesiculis dilatatis aëris inclusi majorem eliminent copiam, ut quam minimam expellant partem; minima igitur acidi quoque carbonici gasisque aquae ex rima glottidis abit quantitas et minima tantum ex sanguine in vesiculas pulmonis transit. Quin, si volumen acidi carbonici gasisque aquae vesiculas pulmonis expandens multo superat id, quod in vasis pulmonis est capillaribus, haud dubito, quin acidum carbonicum et aqua ex pulmonibus in sanguinem possint transire.

Jam vero iis, quibus quiete inspirantes (*bei ruhigem, nicht angestrengtem Einathmen*) utimur viribus, quum parva tantum et aëris atmosphaerici et inde oxygenii copia in vias aërias inspirari possit etiamnum extensas, exiguum tantum et in sanguine orietur, et in parenchymate organorum singulorum genitum in sanguinem transibit acidi carbonici et aquae volumen. Unde efficitur, ut et normalis fieri non possit elementorum permutatio, quoad pendeat ex respiratione, et totum inde corpus siti, ut ita dicam, vexetur oxygenii. Et haec quidem sitis per nervos centripetales et ipsos, ut in iis materialium et gasorum fiat permutatio normalis, egentes oxygenio impertitur medullae spinali, jamque nervos incitaturae ad musculos pergentes omnes, qui respirationi possint inservire, unde, quo magis nervi sint incitati, ut respiratio existat eo extensior, numerus virium complexae et inspirationis et expirationis eo major erit fortiusque intendendus. Atque ut haec complexa, quam Bean et Maissiat nominant, fiat exspiratio et major inde acidi carbonici et gasis aquae evadat copia, imprimis musculi contrahuntur abdominis, ut, diametro abdominis et longa et transversa coarctata, viscera abdominis sursum protrudant atque ita praesertim longam thoracis coarctent diametron, quo quidem temporis momento et sphincter et

evator ani possunt contrahi, ut, quum inde viscerum non possint evadere materiae, eo major vis musculorum abdominalis premat diaphragma. Simul se contrahunt musculi et intercostales et infracostales, costis inferioribus firmatis, superiores detrahentes costas et thoracem eo, quod parietes reddunt breviores complanantque, reddentes angustiores. Complexam expirationem etiam adjuvare potest musculus triangularis sterni, efficiens, ut etiam diametros thoracis coarctetur transversa; simul et agit pars inferior musculi trapezii, ut scapula descendat; simul m. subclavius et musculus pectoralis majoris pars superior et m. pectoralis minor. Inspiratio autem ut fiat quam fortissima et altissima, praeter diaphragma et musculos scalenos, capite firmato, mm. contrahuntur sternocleidomastoidei sternum et claviclem erigentes. Simul, postquam, contracta musculi encephalis parte superiore, contractis et musculis rhomboideo minore majoreque et levatore anguli scapulae, scapula sursum et extrorsum est tracta, musculus serratus anticus major inspirationi inservit, costas superiores octo levans et extrorsum trahens; simul m. pectoralis minor et pars musculi pectoralis majoris ad costas pertransiens agit; simul thoracem dilatat m. serratus posticus superior, secundam, tertiam, quartam, quintam costam sursum movens et retro, quam quidem dilatationem thoracis et m. serratus posticus inferior adjuvat ea vi, quam ad quatuor costas infimas habet movendas.

Sed licet et omnes, quae expirationi inservire possint, quam maxime intenduntur vires, tamen, perdita et vesiculae et bronchiorum contrahendi vi, parva tantum aëris ex pulmonibus expelli potest copia eandemque ob causam, licet omnia, quae inspirationem adjuvare possint, adhibeantur auxilia, eadem fere tantum inspirari potest aëris atmosphaerici quantitas, quae est expirata aëris pulmonalis. Atque ita, quum volumen aëris singulae et expirationis et inspirationis sit minimum, ut diffusionem permutationemque vaporum adjuvent augeantque, aegroti quam frequentissime respirant; sed et frequentissima et fortissima respiratio non

potest efficere, ut satis acidi carbonici e pulmonibus evadat et satis intret oxygenii. Jam per se intelligitur, sitim oxygenii maximam fore, si uterque pulmo totus vel ad maximam partem emphysemate sit affectus, minorem autem fieri, si alterum tantum emphysema invaserit pulmonem, qui unum tantum alterius pulmonis occupaverit lobum; unde sequitur, ut, prouti majus minusve emphysematis est volumen, major minorve virium intendendus sit numerus. Utrique pulmone ad maximam partem emphysemate affecto, et frequentissima et maxime intenta respiratione, qua paulo plus acidi carbonici et ex pulmonibus et ex sanguine abigitur et paulo plus oxygenii per vesiculas in sanguinem penetravit, maxima, quae erat, aëris atmosphaerici plus minus moderata sit indigentia, tamen brevius longiusve post tempus et major oxygenii sitis denno existet et, quae semper fere est, respirandi difficultas multo augebitur. Et, ut autem alter tantum pulmo, aut major, aut dimidia tantum ejus pars emphysemate sit affecta, tamen, licet et mechanismus respirationis et chemismus ad minorem inhibeatur modum longius breviusve post tempus sitis oxygenii orietur major minorve, ut vel emphysema ad unum tantum lobum pertinens, licet non semper exercenda sit respiratio fortior si acidi carbonici in vesiculis hujus partis major accumulata est copia, et expirationem et inspirationem moveat vehementiorem. Quod eo magis accidet, quo major in inferioribus hujus pulmonis partibus sanguinis existit stasis quo magis hae ipsa sanguinis stasi aditus aëris descendens in vesiculas est impeditus.

Quae aegrotorum fere solet esse major minorve dyspnoea, noctu et post coenam ad maximum perveniet gradum. Licet enim, qui emphysemate pulmonis alterius vel utriusque sunt affecti, postquam oxygenii sitis frequentiori intentioreque respiratione plus minus est minuta, defatigati somno tandem sint vieti, tamen, quia in somno energia respirationis maxime cadit, citius serius oxygenii siti vexantur quam vehementissima, ut et jam omnibus, quibus po-

sint, viribus intentis spiritum studeant trahere et quam altissimum et quam frequentissimum, et inde asthmatis, quod lieunt, oriantur symptomata, postea mihi describenda.

Post quoque coenam respirationis difficultas, quae est aegrotorum, multo solet augeri, quia et cibis, quos edebant, etiam nova materialium oxydandarum allata est copia, indigentiam oxygenii etiam augens, et intestina abdominis, imprimis ventriculus, cibis et aëre expleta, diaphragmati descendenti majorem opponunt resistantiam. Praeterea autem, qui emphysemate sunt affecti, hieme frigida multo pejor se habent. Hieme enim quae per pulmones fit diffusio oxygenii, acidi carbonici gasisque aquae eo major sit oportet, quo major pars caloris animalis in aërem atmosphaericum frigidum secedit et quo minor per cutem fit materialium permutatio. Quam quidem majorem gasorum in pulmonibus permutationem etiam major, quae hieme est, aëris atmosphaerici adjuvat densitas. Jam vero eos, qui emphysematis morbo laborant, eo majore respirandi molestia urgeri necesse est, et quo minus oxygenii pulmones ex aëre atmosphaerico possint excipere et acidi carbonici gasisque aquae eliminare volumen et quo magis aëris densioris premat vis. Quod autem attinet ad aestatem, medici dicere solent, hoc anni tempore aegrotos omnes melius valere, quorum et mechanismus et chemismus respirationis non inhibitus. Quod licet per se (*im Allgemeinen*) negari non possit, quum, quo calidior est aër atmosphaericus, eo minor sit gignendus calor animalis, itaque minor urgeat oxygenii indigentia, tamen haud dubito, quin, si aestas est perfervida, eorum, qui emphysemate pulmonum sunt affecti, etiam angeatur dyspnoea. Quae materialium fit permutatio in singulis organis, si emphysema adest pulmonum, jam per se inhibetur. Quum vero ¹⁾, si pulmones

1) Cf. Vierordt, Artikel »Respiration« in Dr. Rudolph Wagner's Handwörterbuch der Physiologie mit Rücksicht auf physiologische Pathologie. Zwölfte Lieferung. pag. 879.

sunt sani, quo magis aëris crescit calor atmosphaerici, et magis numerus et magnitudo respirationum atque ita copia decreseat et acidi carbonici gasisque aquae exspirati et oxygenii inspirati, haud scio, an in eorum corpore, quos emphysema invasit vesiculare chronicum, materialium gasorumque permutatio fiat multo minor, quam quae vita vegetativa bene possit procedere, ut multum absit, ut aestate perfervida sitis oxygenii minuat, ut potius augeatur. Atque ea, quae aestate perfervida pulmonibus emphysemate affectis respirandi oritur difficultas major, etiam crescit, aër atmosphaericus perfervidus simul magnam gasis aquae continet copiam, quum inde eo minus ex pulmonibus in aërem atmosphaericum possit transire gasis aquae volumen.

Praeterea denique eos, qui emphysemate sunt affecti pulmonum, si labores subeant graviores, si scalas ascendant, si motus omnino faciant vehementiores, majori vexa apparet dyspnoea, quia, quo maiorem corporis virium partem ad vincenda, quae in laboribus obstant, impedimenta convertant, eo minor virium numerus conferri possit ad respirationem efficiendam. Quod si vero ex debilitatis pulmonum vesiculis non solum minor excedit acidi carbonici gasisque aquae copia, sed in sanguinem vasorum pulmonum capillarium aliquid, licet rarissime, transit, sanguinis inscius mutetur oportet qualitas, quum per cutem ipsam aëre atmosphaerico minima excipiat oxygenii quantitas itaque per cutem acidi carbonici et aquae eo minor fiat excretio, quo minor oxygenii pars in cutis vasa capillaria respiratione adducatur. Sanguis inde aquae maiorem continebit copiam et acidi carbonici, ut color ejus etiam arteriis plus minus maneat niger; simul autem sensim sensimque et quantitas minuetur et qualitas depravabitur fibrinae. — Ut enim negari non possit, sanguinem in arteriis fluentem plus continere fibrinae, quam qui est in systemate venoso, ut fibrina sit materia semper denovo pignenda, quam producendam oxygenium sit necessarium sufficiens respiratione adductum, ut denique et fibrina sanguinis

si minus appareat consolidata quam arteriosi, et, quo ex-
tior frequentiorque fiat respiratio, eo magis in sanguine
terioso quantitas augeatur fibrinae¹⁾, haud scio, an quis
sit refutare, quo magis respirationis inhibeatur et me-
anismus et chemismus, eo magis fibrinae sanguinis et
creseere copiam et depravari qualitatem.

Jam supra autem vidimus, mechanismo respirationis
ibito, et stasin sanguinis in corde oriri dextro plus mi-
s dilatando et in omni inde venarum systemate sangui-
m tardius moveri.

Et haec quidem stasis sanguinis ea, quam exposuimus,
ione alienati ante omnia in hepate est respicienda. No-
a est, in felle magnam principii et carbonacei et hydro-
ii inesse copiam. Si vero probanda est, quam Liebig
posuit, sententia²⁾, maximam, quas fel continet, mate-
um organicarum partem cum chylo in sanguinem atque
in organismum redire, ut principium, quod in his ma-
is organicis inest, carbonaceum hydrogeniumque, post-
m cum oxygenio respiratione adducto se conjunxit, in
lum mutatum carbonicum et aquam per pulmones et eu-
evadat, jam, quo magis mechanismus et chemismus
pirationis est inhibitus, eo majori hepatis systema por-
venosum extendetur sanguinis volumine, in quo eo ma-
insit principii carbonacei et hydrogenii copia. Quod si
em hepar primo studeat eo majorem secernere et excer-
e fellis quantitatem, tamen non valebit ad secernendam
ernendamque eodem modo majorem fellis copiam, quo
is venae portarum rami extenduntur sanguine; atque
ob eausam jam materies organica in parenchymate
atis ipsius deponitur, in qua maxima quantitas insit
principii carbonacei et hydrogenii, minima autem oxy-

1) Cf. *Valentin*, Lehrbuch der Physiologie des Menschen etc.
I. 1. pag. 747. 718. § 554. *Vierordt* etc. pag. 874.

2) Cf. *Liebig* »Thierchemie in ihrer Anwendung auf Physiolo-
und Pathologie« pag. 55. 56.

genii, id est pinguedo; itaque hepar existit pingue, quod minoris majorisve icteri digestionisque depravatae oriri est causa. Quae in hepate est sanguinis venosi stasis, in ceteris abdominis apparebit visceribus, unde horum organorum functio plus minus turbatur, ut jam inde quod causam possimus repetere, quod earum materialium, quae sanguini addueendas dicimus „Proteinverbindungen“, turbata et digestionem et assimilationem, minor pejorque in sanguinem transferatur copia. Quum denique in vasis totius corporis capillaribus sanguis tardissime moveatur ¹⁾, imprimis vasa capillaria, quae longissime absunt a corde, maxime oportebit dilatari et sanguine vitioso expleri, ut praesertim pedibus, brachiis inque facie color existat plus minus coeruleus. Eadem stasi sanguinis, quippe qui et majorem contineat aquae quantitatem, causa data est hydropis, quod quo tardius movetur sanguis, eo facilius, quae ejus partes serosae, in parenchyma organorum possunt transire dare. Atque inde apparet, emphysema postquam longiusve tenuit tempus, oedema gigni pedum, anasarca existere plus minus universale, hydropem tandem universalem, quum tantum absit, ut renes, quo majora fiant hyperaemia, eo majorem excernant urinae copiam, ut ejus minuatur quantitas, imprimis si citius serius in vasis existat Brightii.

Eodem praeterea modo, quo respirationis inhibitus et mechanismus et chemismus, calor quoque decrescit animalis, ut imprimis extremae corporis partes plus minus frigant; ex quo corporis diminuto calore et potest derivari causam hydropis genesin adjuvantem, quod, quo minor calor gignitur animalis itaque corporis ipsius est temperatura, eo minor per eam exhalatur aquae quantitas.

Postquam ita exposuimus, quomodo, mechanismo et chemismo respirationis inhibito, sanguinis et impedimento circuitus et alienetur qualitas, inquiremus, quae alii mechanismo respirationis impedito oriantur emphysema

1) Cf. supra.

symptomata, ut quam maxime expressa hujus morbi gignat
e imago.

Jam supra commemoravi, volumen pulmonis emphyse-
ate affecti eo magis augeri, quo major dilatatio facta sit
sicularum et quo minus vesicularum eo quod, septis re-
tis, confluerint, minutus sit numerus. Quod pulmonis
lumen quum ¹⁾ expirando paulo tantum minuatur, tussi
tem provocata plus minus etiam fiat majus, haud scio,
oporteat, pulmones, quoad emphysema eos invasit, pa-
tes thoracis includentes magis magisque extendere. Ut
tur emphysema vesiculare chronicum utrumque vel ple-
aque ad partem vel totum inceserit pulmonem, si in-
exeris et mensuram feceris, thoracem invenies instar do-
esse extensum et, quum dilatatio vesicularum in supremo
monis lobo semper fere sit maxima, fossam supra- et in-
-clavicularem plus minus expletam, quin has vel pro-
tere regiones, si volumen musculorum, qui hic siti
t complexae inservientes inspirationi, aliquanto sit au-
m. Praeterea te inspicientem non effugiet, praesertim
eam et a sterno et a mamma ad vertebrarum columnam
dentem esse auctam, ut et regio a sterno usque ad mam-
m pergens ad partem antieam sit protrusa et columna
tebrarum, praesertim in inferiore parte colli et in su-
iore dorsi, sit retroflexa; ejus rei causae hae fere sunt.
imum sternum ipsum aeque ac costae ei affixae, post-
m inter inspirandum et diaphragma descendit et, centro
s jam ipso firmato, musculorum fibrae inde ortae fibras
enderunt costis affixas et processui xiphoideo, sursum
extrorsum moventur et eo magis moventur, quo intentior
pter emphysema fit inspiratio, ut, quod et cartilagine
larum minus resistunt, quam costae ipsae, et vesiculae in
ginibus anterioribus pulmonis maxime dilatantur, quae
erno ad columnam vertebralem pergit, praesertim augea-
diametros. Super haec pronus trunci status, quo homines

1) Cf. quae supra disputavimus.

emphysemate laborantes, vexante dyspnoea majore, respirantes utuntur, potest adjuvare, ut sternum procuret et efficeat ut et vertebrarum colli dorsique plus minus retroflectatur columna et regiones acromiales, interseapularis, supra- et subscapularis interduin paene fiant horizontales, praesertim si in regionibus sculi harum regionum inspiratorii et ipsi sunt aucti ¹⁾. Quod si autem emphysema inferiores quoque invasit pulmonis lobos, diaphragma deorsum prematur necesse est, ut, quod supra viderimus, saepenumero superiores pulmonis lobos emphysemate affectos apicem sacci pleurae sursum protrudere, diametros thoracis longa maxime et eo magis dilatatur, quo magis et mm. sternocleidomastoidei sternum viculamque sursum traxerint et mm. cucullares, mm. rhomboidei levatoresque anguli scapulae scapulam allevaverint, quae inde plus minus promineat. Sin vero partes thoracis laterales inspexeris, invenies lineam ab altero ad alterum pergentem latius minus esse extensam, interstitia quae costarum ad longitudinem aucta, sed non protrusa.

Ut emphysema ad alterum tantum pertineat pulmonem, hoc ipsum thoracis latius plus minus est extensum; ut in superiore tantum pulmonis utriusque vel alterius occupaverit lobum, regionem solam thoracis supra- et infra-clavicularem dilatatam esse perspicuum est. Secundum haec animus adverterimus ad eum, qui inspirando et expirando fit, thoracis motum, quoad pulmonem continet emphysemate affectum, thoracem inveniemus paulo tantum et tendi inspirando et coarctari expirando, dum aegrotus, nunc ad aliquod tempus vexatus oxygenii indigentia omnibus respirationis utitur viribus. Quin, minore utroque temporis intermisso spatio, si maxima aegrotatur dyspnoea, tamen et omnibus, quae inspirationem adjuvare possint, intentis viribus, quod jam est, thoracis paulo tantum augetur volumen et expiratione quam maxima complexa paulo tantum minuitur.

1) Cf. *Stokes* pag. 268.

Dum haec vehementissima respirandi tenet difficultas, aegroti maxime expressam mechanismi chemismiue respirationis inhibiti nobis insipientibus proponunt imaginem et simul vires ante oculos nostros ponunt omnes respirationis eo consilio quam maxime complexae, ut et angorem minuant pectoris, qui et e nimia in vesiculis aëris imprimisque acidi carbonici gasisque aquae copia et e stagnatione sanguinis in corde dextro majore ortus est, et cum minuant calorem, quem in pectore sentiunt, inde prolatum, quod expiratione inhibita minus caloris ex rima glottidis in aërem cedit atmosphaericum.

Caput postquam, contractis musculis et spleniis capitis et complexo biventreque cervicis et trachelomastoideo utroque, adjuvantibusque musculis spleniis colli et rectis capitis posterioribus, est firmatum et occiput ad vertebrae colli superiores flexum, faciei autem inde pars inferior anteriorque colli ad partem anticam sursumque est protrusa, jam aegroti prono corporis trunco, cubitis iunxi in genibus manibusque ad cruceis instar protensis pectus fulcientes, ut, musculis inde abdominis relaxatis, diaphragma longius deorsum possit moveri, quam frequentissime anhelant, quum non valeant ad altum trahendum spiritum. Et eodem quidem tempore imprimis videmus, quomodo et muscoli levatores scapulae omnes quam vehementissime agant, scapulaque numerusque inde sursum adque anticam partem quam maxime trahantur, et sternum claviculaque erigantur, musculis sternocleidomastoideis superioreque cucullaris parte fortiter se contrahentibus, et mm. scaleni quam intentissime superiorem utramque costam sublevent, musculique hi promineant compressi.

Subsequente autem expiratione conspiciamus, quomodo et hac ipsae thoracis partes sed minus descendant et mm. abdominis intercostalesque vehementissime agant. Videmus praeterea, quo magis intenta sit respiratio, eo magis laryngem descendere ascendereque; nec insipientes nos effugiet, et aegrotos per os apertum perque nares quam

maxime dilatatas aërem studere intrahere, et omnes ind musculos faciei agere, qui oris variumque orificium inte inspirationem possunt extendere extensumque inter expirandum coarctare.

Videmus praeterea, quomodo imprimis inferiores mediaeque abdominis regiones inter respirationem complexantur et prorumpant et concidant, regio autem epigastrica hypochondriacaeque fere non moveantur ¹⁾).

Imo vero observabimus, aegrotos, si valeant vires, e lectulo surgere angoreque vexatos pectoris ultro citroque agitari vultum praebentes anxium maestumque, et foras protendere, ut frigidiores excipiant aërem. Facies ipsa plus minus intumuit, quod et muscoli faciei complexam adjuvantes et inspirationem et expirationem maxime agunt eamque ob causam facti sunt crassiores, et in substantiam cellulosa minus minus excreta est aqua pinguedoque. Labium praesertim inferius superiusque plus minus turgescit, color faciei plus minus factus est lividus et, dum ex vultu et pectore saepe penumero sudor manat gelidus, membra reliqua corporis, quae magis absunt a corde, eo magis livida frigentiaque sunt sicciora. Pulsus apparet frequentissimus, parvus, quum cor debile, licet quam saepissime se contrahat, tamen parvam tantum sanguinis copiam per pulmones in cor sinisterrimum propulset, quod inde et ipsum aequae parvam tantum propellere possit sanguinis quantitatem. Pulsus idem est saepe numero irregularis, quia cordis contractiones propter innervationem alienatam perturbataeque non sunt rhythmicae. Atque quum in organis corporis, quo longius a corde absunt, eo major existat hyperaemia passiva, etiam cerebri plus minus extenduntur vasa capillaria, ut inde et ipsius turbentur functiones et vertigo oriatur mitior graviore. Urina autem in hoc ipso asthmatis impetu, licet alias sit plus minus fusca, quum, quo magis pulmonum cutisque inhibetur functio, eo magis crescant in urina materiae principia

1) Cf. infra.

carbonaceum continentes, jam apparet pallida tubulis uriferis spasmis contractis ¹⁾).

Jam quae descripsi symptomata, ex quibus compositis nago existit asthmatis, si vim suam remiserunt, cum ad thoracem explorandum adhibueris percussione, quoad pulmones emphysemate sunt affecti, sonus percussione tibi videtur sonorior clariorque, qui, in superioribus thoracis partibus maxime auditus, si emphysema mediam quoque inferioresque invasit pulmonis partes, etiam in iis thoracis locis apparebit regionibus, in quibus alias sonum repereris minus minus vacuum obscurumque. Diaphragmate enim (quod in inferiores pulmonis partes emphysemate sunt affectae) deorsum protruso, hepar quoque deorsum in abdomen sit detravit necesse est. Dum igitur etiam in ea thoracis parte, sub qua alias percutiendo inveneris hepar, sonus apparet pulmonis, hepar ipsum intelliges ultra costas spurias eo magis in abdomen prominere, quo magis hepatis vomer est auctum, et eo longius in hypochondrium sinistrum argere, quo magis lobus quoque hepatis sinister est auctus. Et si sinistram plessimetro inquisiveris thoracis partem inferiorem, percussio te docebit, hic quoque pulmonis partem inferiorem emphysemate extensum longius deorsum pertinere licet et detrusisse et obtegere. Atque inde respondet hypochondriacae epigastricae plus minus protrusae in moventur, dum, diaphragma deorsum propulsum si in inspirandum se contrahit, itaque hepar licet longius gravat, inferiores mediaeque abdominis regiones prominent, expirando autem coarctantur. Ut emphysema vesiculae chronicae utrumque aequaliter invaserit pulmonem, percussione te non effugiet, imprimis a sinistro latere marginem pulmonis emphysematosi cor plus minus obtegere paulumque deorsum, nequaquam autem dextrorsum movisse, ut percussione in regione cordis tibi appareat clarus coarctatus sonorior, quo magis diaphragmate deorsum propulso

1) Cf. *Liebig* etc. pag. 27.

cor ipsum deorsum sit tractum et quo longius inde deorsum ejus sentias impulsum. Atque ita effici potest, ut, qui minore percutiendi utatur dexteritate, percutiens cor plane non inveniatur. Sed si accuratius percusseris, haud scio, an audias in ea parte, in qua cor pulmone obtectum tantum sonum quidem clarum sed minus sonorum, quia et hic minor tantum aëris vibrat copia, et si fortius percusseris, cor ipsum vibrat. Atque eodem quoque modo, ubi margini lobii inferioris pulmonis emphysemate extensi et in dextro latere hepatis et in sinistro lienis marginem superiorem obtegunt, clarus quidem sed minus sonorus percussione tibi existet sonus. Quodsi vero emphysema ad sinistram tantum pertinet pulmonem, cor ipsum, quo magis premuntur margines pulmonis sinistri, eo magis dextrorsum propendere necesse est, ut, digitis impositis, vel in scrobiculo cor ipsum impulsu cordis percipias eo majorem, quo major ventriculi dextri est hypertrophia eoque majori circuito, quo major ejus est dilatatio; quam quidem dilatationem plessimetrici tibi indicabit, licet, utroque pulmone emphysemate affectum demum, si fortius percusseris, latam praesertim innuans cordis diametron esse auctam.

Quo autem magis et thoracis parietes sunt extensus musculi thoracis facti crassiores, thoracem senties eo quidem majorem tibi palpani opponere resistantiam, sed, si fortius presseris, magis posse inflecti¹⁾; quin te non effugiet, sed volumen musculorum multo est auctum et thorax maxime extensus, percussione sonum paulo minus fieri clarum.

Postquam ita, quae ex inspectione, mensuratione, percussione et palpatione thoracis repetenda sunt, emphysematis cognovimus symptomata, jam quaeramus, quae signa ferat pulmonis cordisque auscultatio.

Quum, quod dicimus „vesiculäres Athmen“ et i

1) Cf. Dr. Škoda Abhandlung über Percussion und Auscultation. Zweite Auflage. pag. 267.

2) Cf. Škoda etc. pag. 12.

riatur, quod aër inter inspirandum in bronchia minima vesiculasque pulmonum descendens eam, qua hae partes utuntur, vim se contrahendi vincit, itaque aër parietesque vesicularum bronchiorumque minimorum se terunt, et in super eo clarius audiatur fortiusque, quo major et horum parietum est elasticitas, et quo major aëris descendentis prementisque copia, jam, quo majore aëris copia vesiculae bronchiaque minima, perdita vi elastica, inter expirandum manent expleta et quo minus inde inter inspirandum in ea descendere potest aëris volumen, eo tenuius exiliusque portet hoc respirandi fiat murmur tandemque paene evanescat. Et licet tenue exileque etiam existat, quod dieimus vesiculäres Athmen^v, ita ut audiatur, quod Škoda nominat: „unbestimmtes Athmen“, tamen saepissime aliis, qui simul fiunt, obtegitur sonis. Quod et in vasis bronchiorum majorum bronchorumque, tracheae, laryngisque neque compressis neque coaretatis eadem, quam jam supra aliorum organorum commemoravimus, sanguinis est stasis et per in pulmonibus calidior magnam copiam continet acidi carbonici membranam mucosam irritantis, haud dubito, cum catarrhus oriatur extensior graviorque. Qui catarrhus et quo majorem extensioemque membranae mucosae bronchiorum bronchorumque et tracheae genuit intumescentiam, et quo jam major intentiorque fit respiratio, ut aër per hanc ita ortam penetret stenosis, eo formidinem diffusioemque audiemus stridorem, sibilum strepitumque. Si autem, quod haud rarissime fit, etiam membrana mucosa laryngis imprimisque rimae glottidis intumescat, vox quoque plus minus apparebit rauca. Ut autem catarrhus materiem secreteverit plus minus tenacem, bullarum plus minus siccarum percipiemus crepitum interdum stantantum juxta aegrotum, auribus in ejus thorace non immissis. Et hae quidem bullae et majores fiunt et minoresque largiores, quo et major et diffusior in bronchiis, bronchis tracheaque inest materiae mucosae copia. Sin quo et rhonchi et quae nominamus „Rasselgeräusche“

ad tempus aliquod facta sunt minora, et aegrotus omnibus viribus spiritum intrahit, in iis saepius locis, quorum vesiculae minus sunt dilatatae, plus minusve distinctam audiemus respirationem vesicularem. Quos rhonchos bullarumque dissilientium crepitus saepenumero et inter inspirandum et inter expirandum audies; interdum autem fit ut inter solam eos percipias aut inspirationem aut expirationem. Si praeterea singulae vesiculae quam maxime sunt extensae, ut adeo volumen adaequant fabae, praesertim autem si in maiore minoreve lobi parte vesiculae nimis dilatatae, septis, quae eas seceverunt, remotis, confluerunt bullae siccac majores sub finem inspirationis possunt exstere, quas Laennecius dicit „râle crépitant sec à grosses bulles ou craquement 1)“, — inde ortae, quod parietes illarum vesicularum debilitati inter expirationem non contrahuntur, sed plus minusve collapsi, jam vero inter inspirationem vehementem quam maxime intenduntur. Atque hic quidem „râle crépitant sec à grosses bulles“ vel sequitur sibilos, stridores, alios, quos supra commemoravi bullarum crepitus, vel sine illis auditur. Praeterea denique si aut singulae vesiculae inde, quod plures confluerunt factae majores e ceteris in maiorem gradum prominent, aër (quod rarissime fit) e dilatatis indeque ruptis vesiculis in substantiam evaserit cellulosa interstitiali plenam pulmonalem sustulerit dissolutam, facere non possum, quod commemorem, fieri posse, sed raro fieri, ut eo, quod pleura costalis et haec bullae prominentes aëre expletae terant, terendi, quem dicimus, gignatur crepitus. Quare vera oriatur terendi crepitus, haud scio, an sit difficile dignotari, utrum, quem audimus, crepitus râle sit crépitant sec à grosses bulles an crepitus terendi.

In iis denique pulmonis partibus, ad quas emphysema non accessit, interdum respirationem vesicularem audiemus fere plane distinctam, saepius autem sibilum, stridorem

1) Cf. *Laennec* etc. Tome I. pag. 308; Tome I. pag. 106.

pitumque bullarum percipies plus minus frequentem, quia eadem partes, semper fere inferiores, quo extensior superioris pulmonis est emphysema, eo majore afficiuntur hyperaemia.

Itaque nihil mihi restat, quam ut et tussim respiciam emphysemate provocatam et quaeram, num cordis soni sint alienati.

Tussis, ejus naturam jam supra exposui, sicuti causa emphysematis exstitit frequentissima, emphysemate ipso eo major sustinetur, quo major et acidi carbonici copia membranam mucosam irritat et oxygenii est indigentia, et quo extensior graviorque catarrhus, quum haec momenta fere omnia ad expirationem valeant provocandam et complexam et assultim incedentem. Eamque ob causam tussim, ejus sonum una fere percipies cum illis, quos excitat, et bullarum crepitibus et sibilis et stridoribus, maximam quidem fore consentaneum est, si aegroti asthmatis vexantur impetu, ut inde, quae jam erat, cerebri hyperaemia multo etiam augeatur vertigoque oriatur quin tenebriosa.

Soni, quos audimus in corde inque arteriis majoribus, prouti et major est cordis aut hypertrophia aut dilatatio et major minorve cordis arteriarumque innervatio, fortiores vel tenuiores, obtusiores vel clariores existunt; quin fieri potest, ut sibili, rhonchi crepitusque bullarum, si maxime sunt diffusi largique, sonos cordis plus minus et eo quidem magis obtegant, quo magis pulmones emphysemate affecti cor tegunt ipsum. Fortissimus sonorum fere semper alter pulmonis arteriae solet esse sonus.

Quod ita depinximus emphysema pulmonum vesiculare chronicum multum differt ab eo, quod Rokitauský emphysema vesiculare dicit acutum sive vicarium. Et ea quidem momenta, quae respiciens alterum possis discernere ab altero, sunt fere haec ¹⁾. Parietes vesicularum pulmonis, quoad emphysemate acuto est affectus, facti sunt tenuiores

1) Cf. Rokitauský etc. II Tom. pag. 62.

et, si eos incideris, eeleriter collabuntur, licet, vi se contrahendi paulo minuta, paulo minorem, quam normales reddant strepitum; quum contra, ut supra exposuimus, parietes vesicularum emphysemate chronico affectarum effecti sint rigidiores crassioresque, ut, si eos incideris, tarde modo collabuntur aërque inde tardissime evadens crepitum reddat multo tenuiorem diffusioemque, et, simulac thoracem aperueris, elasticitate aëris inclusi quam maxime compressi prorumpant; vesiculae autem, quas emphysema invasit acutum, thorace aperto neque coneidunt neque prorumpunt. Praeterea partium emphysemate acuto affectarum nunquam tanta est anaemia, quam, ubi emphysema ad vesiculare chronicum. Emphysema vesiculare chronicum aut majorem saepissime pulmonis alterius, quin utriusque pulmonis pertinet partem, acutum autem in minore invenies circuitu et imprimis quidem in marginibus pulmonis, quibus haud raro singulas tantum videbis vesiculas esse extensas. Et si plessimetro usus thoracis locos exploraveris, sub quibus emphysema est vesicularum acutum, te non effugiet sonum percussionis licet non valde sonorum sed plus minusve esse tympaniticum, quem nunquam gignit emphysema chronicum; auscultando autem percipies in vesiculis emphysemate acuto affectis respirationem vesicularem saepissime distinctam, quum in eo pulmonis lobo, quem emphysema occupavit chronicum, aut non audias vesiculas extendi aut eam modo audias respirationem, quam Škoda dicit „unbestimmtes Athmen“. Negari quidem non potest, etiam ubi emphysema adsit acutum, respirationem in vesiculis interdum incertam tantum andiri, si aut vesiculae latius sint extensae aut alii quam largissimi in regionibus adjacentibus existant crepitus; sed alia etiam discriminis tibi data sunt auxilia eo quod, quum parvus emphysematis acuti sit circuitus, major minorve reliqui pulmonis pars aut mater in pulmone deposita plus minus plastica, aut compressio facta est ab aëre vacua, ejus rei signa et stethoscopium plessimetron tibi afferet satis idonea, ut possim omittere

quae thoracis forma emphysematis chronici praebet indicia reliquaque omnia, de quibus supra disputavimus, symptomata. Sed hoc loco fortasse mihi quis opposuerit, emphysemate vesiculari chronico ad superiorem tantum alterius pulmonis pertinente partem, in inferioribus regionibus et ipsam majorem minoremve sanguinis fieri stasin, quin existere splenisationem; sed, ut hoc concesserim, tamen nunquam diagnosis relinquetur dubia, quod et ¹⁾ emphysema vesiculare acutum fere nunquam lobum pulmonis occupat totum et quin saepenumero brevi tempore ante mortem existit. Causa autem emphysematis acuti est tussis eadem, quae saepissime gignit chronicum, sed eo interposito discrimine, ut tussis emphysema gignens acutum, inde sit repetenda, quod aut hepatisatione, aut tuberculis, aut oedemate, aut comprimente exsudato pleuritico ad minorem majoremve pulmonis partem aëri aut plane non pateat aditus aut plus minusve sit impeditus.

Etiam interest aliquid inter emphysema pulmonis vesiculare chronicum et hypertrophiam pulmonis, de qua re Rokitsnsky ita dissérit ²⁾.

„Eine merkwürdige Combination von Erweiterung der Lungenbläschen mit gleichzeitiger Massenzunahme liegt ohne Zweifel der *Hypertrophie* der Lungen zu Grunde, einer Erscheinung, die man bisweilen als vicariirende Entwicklung der einen Lunge beobachtet, wenn die andere auf irgend eine Weise zu ihrer Function untüchtig geworden ist. Unstreitig besteht diese Hypertrophie nicht in einer Vermehrung der Summe der Lungenbläschen, sondern in einer Erweiterung der bestehenden, womit aber zugleich die Wandungen derselben dicker, massenreicher werden, ihr capillärer Gefässapparat an Caliber zunimmt und wohl auch durch neue Gefässe sich vergrößert; — das Gewebe ist hierbei dichter, insbesondere aber resistenter geworden, die

1) Cf. paginam superiorem

2) Cf. Rokitsnsky Tom. II. pag. 58.

Lunge widersteht dem äussern Luftdrucke auffallend, sie ist grösser und ihre Thoraxhöhle weiter geworden“.

Atque inde licet pulmo et emphysemate affectus chronico et hypertrophus, postquam thorax extensus apertus sit, non concidat, tamen tantum abesse apparet, ut pulmonis hypertrophici compressa sint vasa capillaria, ut sint extensa auctaque; et quod vesiculae pulmonis hypertrophicae thorace aperto, non concidunt, minime autem prorumpunt nequaquam probare mihi videtur, vim earum se contrahendi esse perditam, quum haud sciam, an quis possit vivere, saltem pulmo plane fere sit vacuus ab aëre, alter autem neque inspirando sufficientem aëris atmosphaerici possit excipere quantitatem, neque expirando idoneam aëris pulmonalis expellere copiam. Ego potius censuerim, pulmonem hypertrophum, thorace aperto, eam ob causam non tantum collabi, quantum pulmonem normalem, quod, licet et fibrae vesicularum bronchiorumque elasticae et bronchiorum musculares re vera sint aetae, tamen elasticitas non tantopere acceverit, ut vesiculae *dilatatae* ad id contrahere se possint volumen, ad quod normales se contrahant. Praeterea autem; adhibita auscultatione, et ipse invenies, respirationem audiri vesicularem, quod etiam probat, vesiculas inter expirationem se contraxisse, quia aliter inspirandi neque sufficientem aëris descendantis possint excipere copiam neque respirationem inde efficere vesicularem distinctam.

In emphysemate vesiculari chronico res plane aliter se habet. Hic enim vesicularum parietes non ipsi sunt aucti sed ea, quae adjaacet, substantia cellulosa compressa facta sunt rigidiores crassioresque.

Ab eo, quod descripsi, emphysemate vesiculari chronico ea quoque pulmonis differt affectio, cui Andral nomen indidit atrophiae¹⁾, ejusque natura est haec: Vesiculae pulmonis, quarum forma angulata facta est ellipticae sunt dilatatae et inde quidem dilatatae, quod parietes, vasa

1) Cf. Rokitansky Tom. II. p. 59.

obliteratis, emacuerunt atque ita sunt extenuati, ut tandem et, septis resorptione deletis, plures vesiculae confluant, et, stratis ipsis intereellularibus resorptis, constructio pulmonis lobularis plus minus evanescat. Pulmo exsanguis siccusque pallet vel canet maculis sparsus nigris et culcitae plnms impletæ offert mollitiem volumenque monstrat minutum, quod, thoracæ aperto, collabitur. Aër præterea ex ineiso pulmone tarde evadens diffusum tenuemque reddit erepitem. Et hunc quidem marasmum, qui in vesiculis præsertim in substantia peripherica et in anteriore superioris lobi parte sitis offertur, majorem minoremve etiam in bronchiis, bronchis tracheaque invenies plus minus inde dilatatis. Quo autem minus pulmonis factum est volumen, eo minorem concedes esse thoracis circuitum, ejus forma ita est alienata, ut, et lateribus plus minus deplanatis et columna vertebrarum retro flexa et corporibus intervertebralibus vertebralibusque plus minus resorptis et sterno protruso, thoracis diametros perpendicularis transversaque sit contracta. Atque eandem videbis atrophiam et diaphragmatis et musenlorum thoracis et earum omnino, quæ thoracem tegunt, partium mollium. Itaque quum et musenlis inspiratoriis attenuatis inspirationis decreseat altitudo facilitasque, et, musenlis quoque expiratoriis attenuatis perditæque, quæ bronchiorum vesicularumque erat, se contrahendi vi, expiratio inhibeatur, haud scio, an non solum chemismus maxime impediatur respirationis, sed sanguinis inde circuitus, vasis pulmonis capillaribus ad maximam pæne partem obliteratis, retardetur, ut permutatio materialium in singulis organis multo minuatur itaque maxima defectio fiat virium. Ut autem negari non possit, etiam atrophiam pulmonis majorem minoremve dyspnoeam, tussim stasinque gignere sanguinis, itaque causam existere et lividi in facie extremitatibusque coloris et imminuti corporis caloris, tamen magnum interest inter emphysema vesiculare chronicum et atrophiam pulmonis.

Pulmonis emphysemate vesiculari chronico affecti volu-

men est auctum, pulmonis atrophii minutum; pulmo emphysematosus, thorace aperto, non collabitur, sed foras prorumpit, pulmo atrophus concidit. Thorax, quoad pulmonem tegit emphysemate vesiculari chronico affectum, est extensus; parietes thoracis pulmonem atrophum includentes consederunt et forma thoracis plane est alia, quam quae emphysemate gignitur vesiculari chronico. Musculi denique respiratorii et thoracis et abdominis, ubi emphysema adest pulmonis vesiculare chronicum, sunt aucti, eorum autem, qui pulmonibus utuntur atrophis, emacuerunt. Atque quum rationes quoque, quibus atrophia pulmonis et emphysema ejus vesiculare chronicum gignitur, maxime inter se differant, quod atrophia nihil est nisi signum symptomaque involutionis corporis interdum citius existentis, quam pro annis hominis exspectaveris (quia vel vitam egit turpem luxuriosamque, vel morbis gravioribus valetudo facta est tenuis), haud scio, an accuratissime hi quidem morbi sint discernendi possintque discerni.

Jam mihi nihil restat, quam ut breviter commemorem, qua ratione emphysema pulmonis vesiculare chronicum discernas a pneumothorace, ab exsudato pleuritico et hydrothorace, qui quidem morbi et ipsi mechanismum chemismumque respirationis circulationemque sanguinis plus minusve inhibent.

I. Diagnosis emphysematis vesicularis pulmonum chronici et pneumothoracis:

1. Pneumothorax subito oritur atque ita thorax celerrime ad volumen extenditur etiam majus; emphysema tardius et gignitur et progreditur.
2. Sonus, quem audimus percutientes pneumothoracem, non modo est sonorus clarusque, sed tympaniticus interdumque metallicus; palpantes thoracis elasticitatem majorem in modum, quam ubi adest emphysema, auctam esse sentimus.

3. Si is, qui emphysemate chronico est affectus, dyspnoea vexatur, maxime agunt musculi intercostales; in eo thoracis latere, quod affecit pneumothorax, musculi intercostales non moventur.
4. Emphysematosum auscultans pulmonem vel respirationem vesicularem tenuem, vel incertam, vel sibilum, rhonchum, stridulumque, vel crepitus bullarum audies non consonantes. In eo autem thoracis latere, in quo pneumothorax est, aut nullum percipies crepitum aut respirationem bronchiale, crepitus bullarum consonantes et bronchophoniam fortem, conjuncta cum sono metallico et sono quasi ex amphora relato; rarissime autem crepitus audies non consonantes.
5. Pneumothorace diaphragma longius deorsum est protrusum, ut, si pneumothorax dextrum invaserit latus, hepar longius pergat in abdomen; si autem pneumothorax sinistrum affecerit pectus, cor dextrorsum saepiusque quidem supra dextrum sterni propulsum est marginem, ut percutiens etiam in regione sternali sonum percipias sonorum. Cor emphysemate pulmonis sinistri dextrorsum pressum rarissime mediam sterni superat lineam.

II. Diagnosis exsudati pleuritici et emphysematis vesicularis chronici:

1. Cavum thoracis, quoad exsudato expletum est plenitico, sonum reddit percussione et obtusum et vacuum et magnam palpanti manui opponit resistentiam eamque imprimis in inferiore thoracis regione; emphysematis, si percusseris, sonus est et sonorus et clavis isque praesertim in superiore thoracis parte.
2. In inferiore thoracis latere exsudato pleuritico affecto nullum saepenumero audimus crepitum, sub angulo inferiore scapulae et inter scapulam columnamque vertebralem et, licet rarius, inter marginem scapulae ante-

riorem mammamque respirationem percipimus bronchiale tenuem et bronchophoniam speciem, quam diu aegophoniam. Crepitus bullarum raro existunt, saepius autem, ubi asperae pleurae et costalis et pulmonalis se terunt, crepitus gignitur terendi. Quoad autem thorax tegit pulmonem emphysemate affectum vesiculari chronico, vel respirationem audimus vesicularem tenuem incertamve, vel crepitus bullarum non consonantes, vel rhonchos, sibilos, stridoresque.

3. Exsudatum si adest pleuriticum majus, interstitia prominent intercostalia musculique intercostales relaxati fere sunt immobiles, quum, ubi emphysema existit vesiculare chronicum, muscoli intercostales inter expirationem maxime moveantur.
4. Si exsudatum pleuriticum magnum factum est in sinistro thoracis cavo, eor trans lineam corporis mediam usque in dextram thoracis partem potest propelli, quum, ubi sinister pulmo et totus emphysemate sit affectus, tamen eor rarissime mediam sterni superet lineam. Sin vero exsudatum pleuriticum inest in dextro thoracis cavo, hoc par in abdomen longius est protrusum, quam fieri potest, si diaphragma emphysemate deorsum est pressum.
5. Qui laborant exsudato pleuritico alterius thoracis cavi postquam dolores vim suam remiserunt, in affecto thoracis latere solent enbare, quum ii, quos emphysema invasit pulmonis, minori dyspnoea vexentur, si truncum respirant erecto vel prono.

III. Diagnosia hydrothoracis et emphysematis vesicularis chronici:

Eadem fere, quae exsudati pleuritici et emphysematis cognovimus, diagnoscas momenta etiam hic sunt respicienda si exceperis, in hydrothorace interstitia intercostalia non esse protrusa, crepitum non audiri terendi rariusque respirationem percipi bronchiale et aegophoniam.

Quod autem attinet ad eum modum, quo emphysema pulmonis vesiculare chronicum et a vitiis organicis cordis discerni possit et ab oedemate pulmonis et ipsis majoris minorisve asthmatis causas continentibus, satis erit attulisse, ipsam percussione auscultationemque symptomata diagnosticos praebere satis idonea, quum longius aberrarem a themate, quod exponendum mihi proposui, si latius de hac re dissererem. Atque eandem ob causam commemorabo tantum, phthiseos quoque tuberculosae et emphysematis vesicularis chronici symptomata, licet in utroque morbo sputa ejiciantur plus minus copiosa, et ex inspectione et ex auscultatione percussioneque repetenda tantopere discrepare, ut facile possint discerni. Itaque et ipsa percussio thoracis auscultatioque satis perspicua dabit auxilia, quibus asthma, quod dicunt, nervosum, scilicet rarissimum, bronchiorum spasmu quodam ortum, ab eo distinguas, cujus causam saepissimam intelleximus esse emphysema.

Ut praeterea breviter exponam, quae emphysematis vesicularis chronici sit prognosis, hand scio, an et morbus habendum sit gravissimus et, quo longius sit extensum indeque quo saepius asthmatis incedant impetus, eo magis sit timendum, ne vel cordis pulmonumque paralyti vel apoplexia cerebri sanguinea serosave mors efficiatur subita. Et etiamsi aegroti morte non abripiantur repentina, tamen citius serius, qui et ex inhibito sanguinis circuitu et e depravata sanguinis qualitate oritur, hydrops vitae acerbae miseraeque faciet finem. Ut denique emphysema, quo ad minorem pulmonis pertineat partem, eo minus et mechanismum chemismumque inhibeat respirationis et sanguinis retardet circuitum eoque facilius diutiusque possit tolerari, tamen facere non possum, quin confitear, me credere, vesiculas tantopere dilatatas, ut vis perdatur se contrahendi, nullo modo nec nunquam ad normalem restitui statum. Itaque omnia, quae medici ad restituendam bronchiorum vesicularumque perditam contractilitatem adhibuerunt, medi-

camenta fortius excitantia et adstringentia, quum insuper pleraque non habeant vim ad vesiculas ipsas bronchiaque plus nocent quam juvant. Quapropter, quod et Martin et Stokes ¹⁾ commendant, non utar strychnino. Ea autem quam ego adhibuerim, emphysematis cura, ut molestia inde oriendas sublevem, est fere haec:

Asthmatis simulac factus est impetus, inprimis id agam ut sanguinem in thorace et in cerebro plus minus stagnantem ad partes derivem periphericas eandemque ob causas et venaesectionem instituam parvam, si nondum caehexia adsunt symptomata, et ad thoracem surasque applicabo sinapismos, et lavaera imperabo pedum manuumque excitantia, ut hac ipsa via tenuibusque adhibitis medicamentis expectorantibus, quibus addita sunt narcotica antiphlogistica aegrotorumque dorso pulvinaribus subpositis sublevato, minuatur dyspnoea inde etiam aucta, quod bronchia, bronchiae tracheaque nimiam materiei mucosae continent copiam. Et postquam asthmatis symptomata vim suam remiserunt, omnia qua possum, opera enitar, ut prohibeam, quominus redeant itaque omnium rerum areebo momenta, asthmatis impetus provocantia accelerantiaque. Itaque interdiciam aegrotis, ne animi corporisque vires fortius intendant, neve stomachum majore ciborum expleant copia, neve aërem inspirarent frigidum humidumque. Atque eodem tempore omnibus qua fieri potest, ratione studebo, ut, quae semper aegrotorum est, respirandi difficultas minuatur eamque ob causam et vim se contrahendi bruchiorum, bronehorum tracheaeque parvis antimonialium dosibus leviter incitabo, ut sputa ejciant plus minus tenacia, et vesicatoria perpetuo pectori applicabo. Inprimis autem hepatis irritabo secretionem purgantibusque datis medicamentis efficiam, ut et feculis volumen majus largiusque secretum ad majorem partem per anum subducatur et quo jam major principii carbonacei

1) Cf. Stokes pag. 303.

hydrogenique ita ex corpore eliminetur quantitas, eo minor erum restet copia oxygenio oxydanda perque pulmones eutemque expellenda. Ideo etiam cutis secretionem, ut e sanguine quam maxima per eutem evadat acidi carbonici et aquae pars, lavationibus corporis totius calidis augebo et tum demum ad aliquod tempus aëri atmosphaerico, cujus semper fere sit media et temperatura et densitas, parvum oxygenii admiscebo volumen, licet haud ignorem, etiamsi aëris atmosphaerici major facta sit oxygenii copia majorque per pulmones in sanguinem translata, tamen minimo majorem gigni acidi carbonici aquaeque quantitatem, quia non major principii carbonacei hydrogenique et in sanguine et in parenchymate organorum oxygenio oxydari videtur copia, quam quae acidi carbonici et aquae ex corpore eliminatur quantitas ¹⁾.

Quapropter tum demum volumen oxygenii, quod est in aëre atmosphaerico, paulo augebo, si et respirandi difficultas major paulo sit minuta et cutis secretio excretioque balneis aucta et ita in vesiculis pulmonalibus inque sanguine paulo decreverit acidi carbonici aquaeque quantitas.

Ut autem minor in corpus penetret principii carbonacei et hydrogenii copia, et imperabo aegrotis, ut alimenta non edant, in quibus magna inest pinguedinis quantitas. Simul interdiciam, ne olerum cerealiumque alimentorum majorem rescantur quantitate, quia difficilius concoquuntur, et praeteribam, ut potius edant minus principii carbonacei contentia volumen secretionemque fellis adjuvantia, et animali potius utantur victu licet non copioso, quum sit contentaneum, eos, qui emphysemate sunt affecti vesiculari chronico, minore alimentorum egere quantitate, quod, quo magis mechanismus chemismusque respirationis est inhibitus, eo minor materialium in singulis organis existit permutatio. Quod si vero symptomata apparuerunt hydropis,

1) Cf. *Vierordt* etc. pag. 906.

minus utar medicamentis diureticis quam purgantibus et sudorem moventibus, quia persuasum mihi habeo, diuretica ipsa saepenumero, si non efficiant morbum Brightii, renuunt tamen, quae jam est, etiam augere hyperaemiam multumque conferre, ut tubuli uriniferi magis magisque obturentur exsudato plus minus plastico.

E r r a t a.

Pag.	1	vers.	8	
—	—	—	17	post revocasse dele ,
—	2	—	36	lege complectebantur
—	4	—	1	lege grandeur«, inquit
—	—	—	25	post rarissima dele ,
—	6	—	13.	lege examinem
—	—	—	14	lege dans l'inspiration l'air après
—	—	—	27	post fortement dele ,
—	8	—	15	post ut pone ,
—	—	—	24	post stenosis dele ,
—	—	—	29	lege confirmatum ²⁾ ,
—	11	—	1	post können pone«,
—	12	—	4	post affectus dele ,
—	—	—	6	lege ut ad magnam majoremve pulmonis utrius- que partem aëri aditus plane fere non pateat.
—	14	—	1	lege majores esse
—	—	—	24	pro per rimam glottidis arctiorem lege per orificium arctius
—	17	—	28	post efficiatur dele ,
—	—	—	30	post aër dele ,
—	—	—	35	post jam dele ,
—	21	—	32	lege Liebigio
—	22	—	15	post viribus dele , et pone post utimur ,
—	—	—	25	post spinali dele ,
—	23	—	22	post superior dele ,
—	24	—	31	post enim dele ,
—	25	—	3	post symptomata dele ,
—	—	—	6	post copia dele ,
—	27	—	15	lege maximam materiarum organicarum, quas fel continet, partem
—	30	—	29.	30 lege majoreve pro majoreque
—	34	—	7	post et pone ,
—	38	—	12	post quam dele ,
—	39	—	13	post acutum dele ,
—	40	—	19	pro visiculae lege vesiculae
—	—	—	18	lege elasticitas pro elasticitatas
—	41	—	23.	24 pro perdita lege minuta
—	—	—	26	lege mechanismus chemismusque
—	43	—	11	pro eum lege cum
—	44	—	9	post sibilos dele ,
—	45	—	16	post ortum dele ,
—	46	—	6	pro oriendas lege oriundas
—	—	—	20	post momenta dele ,





